



INATSISARTUT

Aningaasaqarnermut Naalakkersuisoq

Ulloq: 14. december 2012

J.nr.: 01.31.06/12-00615

Aningaasaqarnermut Akileraartarnermullu Ataatsimiititaliap pingasunngornermi ulloq 12. december 2012-imi aalajangiineranik Naalakkersuisunut ilisimatitsineq (suliaq nr. 01.31.06/12-00615)

Nuummi innarluutilinnut piginnaangorsaaqqiffimmut atugassiinissaq

Naalakkersuisut inassutigaat,

- kontomi pingaarnermi 83.30.13-imi, Nuna tamakkerlugu paaqqinniffinnut tunngasumi, suliassamut nr. 060.40.045-mut, Nuummi innarluutilinnut piginnaangorsaaqqiffimmut tunngasumut, aningaasaliissutit 5,866 mio. koruuninik amerlineqassasut, aamma
- kontomi pingaarnermi 80.00.00-imi, Sanaartornermut atugassat agguanneqanngitsunut tunngasumi, aningaasaliissutit 5,866 mio. koruuninik ikilineqassasut.

Aningaasaqarnermut Ataatsimiititaliap oqaaseqaatai

Konto pingaarnermit 80.00.00-imit, Sanaartornermut atugassat agguanneqanngitsunut tunngasumit, konto pingaarnermi 83.30.13-imi, Nuna tamakkerlugu paaqqinniffinnut tunngasumi, suliassamut nr. 060.40.045-mut, Nuummi innarluutilinnut piginnaangorsaaqqiffimmut tunngasumut, aningaasaliissutit atugassanngortinneqarnissaat Naalakkersuisut qinnuteqaatikkut kissaatigaat.

Allakkanik inassuteqaatinut iluarsiiisutaasunik Naalakkersuisut nassiussipput, taamaalillunilu aningaasat nuunneqartut ataatsimiititaliamut inassutigineqaqqaartut 5,9 mio. kr.-iunngillat, 5,866 mio. kr.-iullutilli. Missingersuut B Naalakkersuisut isummernissaannut tunngavissiami nassuiaatigineqartoq naapertorlugu tamanna aningaasatigut kinguneqaateqassasoq naatsorsuutigineqanngitsaq ataatsimiititaliap maluginiarpaa.

Peqqissutsimut Naalakkersuisoqarfiup tusarniaanermut akissutaa, ataatsimiititaliamut qinnuteqaammut ilanngullugu nassiunneqartoq, ataatsimiititaliamit maluginiarneqarpoq, naatsorsuutigineqarporlu aningaasaqarnermut, peqqissutsimut, inatsisitigut aammalu aaqquussaanermut tunnganerusumik ingerlatsinikkut isumaliutit taakku innaluutilinnut piginnaangorsaaqqiffiup atulinginnerani Naalakkersuisunit paasinarsisinneqassasut.

Sanaartugassanut pisariusunut amerlasuunut Naalakkersuisut sanaartortitsisuupput. Taakku ilaat arlallit annertuumik ajornartorsiutitaqarsimanerat eqqarsaatigalugu ataatsimiititaliamit piumasaqaatigineqarpoq sanaartugassaatininnut tunngatillugu

sanaartortitsisutut nakkutilliinerup annertuumik nukittorsaavigineqarnissaa, tamatumanilu immikkut sanaartortitsisutut siunnersuineq, taakkunungalu ilanngullugu pilersaarusiorneq, suliarinnineq, malitseqartitsineq kiisalu sanaartornermik aqutsisunik sulianillu nakkutilliinerup pitsaasuunissaa Naalakkersuisut qulakkiissagaat.

Aningaasaqarnermut Ataatsimiititaliap aalajangiinera

Siuliani allassimasutut paasinnilluni Naalakkersuisut inassuteqaataat Aningaasaqarnermut Ataatsimiititaliamit **akuerineqarput**.

Missingersuutitut ilanngussat iluarsisat aningaasanut inatsisip ukiuani matumani nassuteqquneqarput assilinerilu qarasaasiakkut ukununga nassiunneqarluni: julie@ina.gl aamma sakkak@ina.gl.

Ataatsimiititaliaq sinnerlugu



Andreas Uldum

Ataatsimiititaliap siulittaasua